



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus M.D.V. sancti Patris Benedicti. M.XXV.

urn:nbn:de:hbz:466:1-38498

GIBUS, PER SUI ORDINIS HO-
 MINES, GALLIÆ SCEPTRUM,
 AC DIADEMA CONCILIAVE-
 RAT: SIC HISPANOS REGES
 BONA ITALIÆ PARTE, LONGE
 QUE PULCHERRIMA DONA-
 TOS, HAUD DISSIMILI BENEFICIO PER SE IPSE ADIUVARET &c. Ita Scipio. Inter alios

Antonius
 de la Haye
 Abb. S. Dionysij obiit.

Ordinis Viros Illustres morte, hoc anno felici extinguitur, Antonius de la Haye Abbas Regij Galliarum Archidionysij, quem CONSANGUINEUM & Confiliarium in litteris suis vocabat Ludovicus XII. Francorum Rex Augustissimus. Ut hinc satis animadvertas, florem Ordinis in Regno illo liligero, cui Regij sanguinis viri, & hic & plurimi alij nomen dare & seipfos emancipare, dignissimum duxerint. Ex S. Dionysij Historia. & Cl. Roberto.

Isabella
 Castella
 Regina nostris accensenda.

Moritur hoc anno insignis novi Ordinis sub Regula sancti Patris nostri promotrix, Isabella Castellæ & Legionis Regina, quæ Beatæ Beatrixi nostræ condendo primo Conceptionis Immaculatæ Canobio Palatium proprium, quod Galliana dicebatur, obtulit & donodedit, sacrumque illud & Cælo summè plausibile Institutum, tanquam altera ejusdem Mater fovit, inter nostros pro eximijs meritis referenda. Ex diversis rerum Hispaniæ Scripturis.

Henricus
 Juvenalis
 moritur.

Extinguitur hoc ipso anno illustrissimum sacræ Familiæ nostræ Castellinæ sydes, cæloque inseritur sanctæ memoriæ Henricus cognomento Juvenalis, Gallus natione, cujus sanctimoniam, eximiæ Virtutes & variæ de eventuris rebus revelationes, ac quarundam, pro quibus sacrum fecerat, animarum, è purgatricibus flammis liberatio, clarissimè comprobantur. Ex communicatione R. P. Philippi Malabeyla, & monumentis Castellinorum.

Joannes de
 Susato, Abbas
 Abdinckhofensis.

In Germania, frigidissimo hoc sæculo sanctitatis splendoribus effulget, & Divini Pneumatis exardescit ignibus, Beatæ memoriæ Joannes de Susato, Abdinckhofensis Canobij Abbas spectatissimus, Henrici de Peynis, pari sanctitate viri dignissimus successor, & Reformationis Monastica ferventissimus promotor, cujus san-

ctis vitæ exemplis ipsi Paderbornenses Episcopi [situm in eadem urbe Monasterium est] plurimum lucis & fructus perditissimo tempore hausere; multaque ejusdem Auctoritate & Consilio, tota Diocæsi, ad conservationem Religionis & devotionis piæ & providè sunt instituta.

IESU CHRISTI ANNUS M. D. V.
 sancti Patris Benedicti. M. XXV.

Illustrissimus, albòque notandus Jcapillo hic annus est, novâ Ordinis nostri Archidionysij Casinatis Reformatione, Casinensis Congregationis nomine primùm exaudito. Cum Ferdinandando Hispaniarum Rege potentissimo, Contalvòque Prorege Neapolitano agentibus; ipso Patriarchâ nostro sanctissimo Benedicto, id ipsum efflagitante: Commendatarijs Abbatibus [qui ipsos quinquaginta annos patrimonio tanti Patris miserè incubuerant] liberatum Casinense Monasterium, cedente [qui ultimus occupaverat] Julij Rom. Pontificis precibus ac justis, Joanne Mediceo S. Romanæ Ecclesiæ Cardinale, nova lectissimorum Monachorum colonia, legitimo cum Præsule est solemniter introducta. Eusebius Mutinensis, ait Scipio, Congregationis S. Iustinae caput ac Præsules, primus ex eadem sodalitate, Casinensis Abbas renunciatus, religioso centum Monachorum comitatu stipatus, Casinum adiit, sacrum Canobium ex sanctissima Regule præscripto, & recens usurpata consuetudinis laudatissimâ formulâ moderaturus. Porro Eusebium adventantem, Casinates obviam effusi, pleno hilaritatis vultu, ac libentissimis animis excipiunt, omnibus Religiosi obsequij ac reverentia argumentis, domum officiosissimè deducunt. excepti vicissim ab Eusebio, ejusque socijs Casinates, nullum in eos humanitatis, nullum Benevolentie signum omittentibus. Cæterum ex hac, non minus animorum, quam Instituti ac nominis mutua inter ipsos communicatione, dici non potest, quantâ utrisque oborta sit, integerrimæ voluntatis ac lætitiæ affluentia, cum Patavina sodalitate Alumni, quo ipsi fruebantur castissimæ disciplinæ bono, cum omnibus illud Divi BENELECTI Canobij, communicatum peroptarent; Casinates verò apud Proregem Neapolitanum, ac Romanam

Casinum
 mirè Commendatario Abbate liberatur.

Eusebius
 Mutinensis
 Casini Abbas Reform. I.

Casinum
 plausus.

manum Pontificem vehementissime contendissent, ut quod de puriore sacrarum Legum cultu admittendo agitari ceptum erat, quam citissime perduceretur ad exitum: cum per honorifica tamen eorum conditionum accessione, qua Casinatis Canobij omnium toto orbe clarissimi amplitudinem ac sanctimoniam declararent. Eusebius igitur in suo munere obeundo, cum alias virtutes multas; tum vero imprimis mirificum ardorem, Religiosam Disciplinam instaurandi, & indefestum studium prae seculit. Hinc sacrae Militiae copias augere: Legum quas Casinetes profitebantur, inviolatam observationem exigere: vicissim, quibus rebus illi indigerent, antequam peterentur, ipse utro de ferre & abunde omnibus largiri. Neque interim honorum Monasterij, ac lurium procuratio vel omissa, vel remissa negligenterque pertractata. *Multis à Julio II. Pontifice: multis à Ferdinando Rege Catholico impetratis Privilegijs, res Casinensis stabilita, Cleri disciplina (cui per multos annos vigentibus bellis, soluta militum consuetudo ac familiaritas, non parum labis ac sordium asperserat) perutilis Synodi celebratione repurgata &c. Videatur Marcus Anton. Scipio Casinas.*

Casalenfis Congregationis in Gallia non minores progressus, cui non virorum jam solummodo, sed illustria Virginum Canobia accensa sunt, & non levem paulopost, Regno spectante & mirante universo, tam sanctae Reformationis fructum meruere. eo quoque in ipsum Regnum redundante, ita, ut quae jam tunc propiora erant pericula, supplicum huiusmodi, adeo Numini probatorum & dilectorum, ser vore ac precibus, non semel dilicerentur, & averterentur.

Hoc primum anno, cum ferè biniennium vacasset Illustrissimum illud Galliae & verè Regium S. Dionysij prope Parisios Archisterium, Abbatem legitimam electione accipit Petrum de Gouffier 26. Decembris designatum, Fratrem Arturi Magni Franciae Magistri, Adriani S. R. E. Cardinalis, Guilielmi Admiralijs, & Aymareli Albienfis Episcopi Abbatis Cluniacensis, filium Guilielmi & Philippae Mommerentiae, praestantissimis animi & corporis praedium talentis, de quo consulendus recens editus liber de Regali S. Dionysij Archisterio.

In Germania illustria rursus sy-

dera extincta, Coelo inferuntur Venerabilis memoriae Abbates, Blafius Ranshovensis vir eximia perfectionis, verus pauperum pater, adeo ut suos sibi ipse detraheret calceos & egenis largiretur, genuflexus animum creatori transmittens octogenarius; & Henricus à Lippia, Adamo sanctae memoriae Antecessori ob insignia vitae merita charissimus, eidemque succedere dignissimus, Praesul verbo & opere potens [fuit enim Orator facundissimus] qui Monasterio S. Martini Majoris Colonienfi cum sexennio praesuisset, & Reformationem ubivis strenue promovisset, ingenti sui relicto desiderio, vita excessit, cuius elogium peculiari libello circumferri atheritur, quem tamen hucusque videre non meruimus.

In Hispanijs maximis se meritis commendat Joannes Enguerra Alcora Populetanus vir Religiosissimus aequae ac doctissimus, Regi Catholico à sacris confessionibus, atque ab ipso ad Regem Galliarum Legatus, Reginae germanae ejusdem nuptijs conciliandis. Fuit idem Haeretica pravitatis Inquisitor [ut vocant] Generalis per Regnum Arrogoniae, idem postea Episcopus Vicensis, ac deinde Jherdentis designatus, de quo multa Mariana, atque Zurita ad hunc annum.

Claret viris valde Illustribus Religione non minus, quam eruditione, nostrum Lacense in Germania Canobium, è quibus duo, hoc ipso anno ex hac mortalitate evocati magnum sui desiderium in patria reliquerunt. Horum alter R. P. Joannes de Andernaco in sacris ac profanis literis praclare eruditus, atque in Computo imprimis Ecclesiastico, atque Astronomico insigniter versatus, vitam & conversationem singulariter devotus, Coelorumque Augustae servitio praecipue deditus exitit. Reliquit ingenij praestantis aliquot monumenta, eaque inter librum unum de Recollectionibus. Alter fuit Antonius de S. Huberto, jugi exercitatione & studio sacrarum litterarum excellentissimus, concionator egregius, Vir zelotus admodum, atque optimè meritus, cuius extat sermo in tomus & liber Epistolarum. Ex monumentis ejusdem Canobij.

Blafius
Abb. Rans-
hovensis.

Henricus à
Lipp. Abbat.

Joan Enguerra,
Confessarius Reg.
Hisp.

Episcopus
Vicensis &
Jherdentis.

Joannes de
Andernaco
Monachus
Lacensis.

Antonius
de S. Huberto
I. A.
ensis.